

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

1. प्रधानमंत्री नरेंद्र मोदी होर 2 दिने दी जातरा पर कुवैत पुज्जी गे'न। उत्थे उनें भारतीय समुदाय दे लोके कन्ने मलाटी कीती।
2. सरकारै जम्मू-कश्मीर दे उच्च शिक्षा आहले 9 इदारे लेई ढांचागत विकास गितै 85 करोड़ रपे मंजूर कीते न।
3. लेफ्टिनेंट गवर्नर मनोज सिन्हा होरें A++ NAAC ग्रेड थोने पर जम्मू युनिवर्सिटी दी सराहना कीती ऐ। उनें आखेआ जे एह जम्मू-कश्मीर लेई बड़े मानै आहली गल्ल ऐ।
4. केंद्री मंत्री डॉक्टर जितेंद्र सिंह होरें किश्तवाड़ च दिशा बैठक दी प्रधानता करदे होई विकास, सुरक्षा ते समुदायिक सशक्तिकरण पर टकोहदा जोर दिता ऐ।
5. मौसम विभाग नै अगले 5एं दिनें दरान जम्मू-कश्मीर च जबरदस्त ठंडु दी पेशगोई कीती ऐ। कश्मीर च 40एं दिनें दा चिल्ले कलां शुरू होई गोआ ऐ।

<><><><><><>

PM-Kuwait

प्रधानमंत्री नरेंद्र मोदी होर दऊं दिनें दे दौरे पर कुवैत पुज्जी गेन। पिछले 43एं बरें दरान भारत दे कुसै प्रधानमंत्री हुंदा एह कुवैत दा पैहला दौरा ऐ। कुवैत पुज्जने पर मोदी हुंदा एह दौरा बक्ख-बक्ख खेतरें च भारत ते कुवैत दे सरबंधें गी मजबूती देग। अपने दौरे दौरान मोदी होरें 101 बरें दी उम्मी दे साबका आई.एफ.एस अधिकारी हुंदे'नै मलाटी कीती ते भारतीय समुदाय दे लोके कन्ने गल्लबात बी कीती। प्रधानमंत्री होर अरबी भाशा च रामायण ते महाभारत दे प्रकाशक अब्दुल्लातीफ अल्नेसेफ ते अनुवादक अब्दुल्लाह बैरोन हुंदे नै बी मिले। श्री मोदी हुंदे इस दौरे दा मकसद भारत ते कुवैत दे सरबंधें गी नमां विस्तार देना ऐ।

<><><><><><>

PM World Meditation

प्रधानमंत्री नरेंद्र मोदी होरें लोके गी अपील कीती ऐ जे ओह मेडिटेशन यानि ध्यान लाने गी अपन रोजमर्रा दी जिंदगी दा इक हिस्सा बनाई लैन। सोशल मीडिया दी इक पोस्ट च प्रधानमंत्री होरें आखेआ ऐ जे ध्यान व्यक्ति ते समाज दे जीवन च रमानदारी ते संबोध आहनने दा इक सशक्त माध्यम ऐ। श्री मोदी

होरें आखेआ ऐ जे तकनीकें आले मजूदा दौर च ऐप ते वीडियो ध्यान गी अपनाने च मददगार साबत होई सकदे न। तोआई, अज्ज पैहला-पैहला ध्यान सरबन्धी कुल संसारी ध्याड़ा मनाया जा रदा ऐ। संयुक्त राष्ट्र नै 29 नवंबर 2024 गी अपनी महासीआसेआ पास कीते गेदे प्रस्ताव च 21 दिसंबर गी विश्व ध्यान दिवस मनाने दा फैसला लैता हा। ध्यान लाने ते एहदे फायदें बारै दुनिया भरै च जागरूकता बढ़ाने लेई भारत ते किश होर मुख्य दे सुझास पर एह फैसला लैता गेआ ऐ। एहदा मकसद दुनिया गी शारीरिक ते मानसिक सेहत ते जीवन भर तंदरुस्त रौहने लेई नियमित तौर पर ध्यान लाने लेई प्रेरित ते जागरूक करना ऐ। संयुक्त राष्ट्र आसेआ लैते गेदे इस फैसले कन्नै नां छड़ा दुनिया भरै च शारीरिक ते मानसिक तंदरुस्ती हासल करने बक्खी लोकें दा रूझान बढ़ोग, सगुआं दुनिया गी दरपेश चुनौतिएं, जियां जे हिंसा, तनाव ते समाजी मतभेद बगैरा कन्नै निबड़ने च बी मदद ध्होग।

<><><><><><>

Finance-Minister

खजाना मंत्री निर्मला सीतारमण हुंदी अध्यक्षता च अज्ज जीएसटी काउंसिल दी 55मीं बैठक होई। इस मीटिंग च मुख्यमंत्रियें, उपमुख्यमंत्रियें, खजाना मंत्रियें ते वरिष्ठ अधिकारिणें शिरकत कीती। इस मीटिंग च भारत दे जीएसटी ढांचे गी निगगर बनाने आस्तै जरूरी मामलें पर चर्चा कीती गई। जम्मू-कश्मीर दे मुख्यमंत्री उमर अब्दुल्ला होरें बी जीएसटी काउंसिल दी मीटिंग च हिस्सा लैता। इस मीटिंग च माली सुशासन दा दायरा बढ़ाने ते जीएसटी दी प्रक्रियाएं गी चुस्त-दरुस्त पर जोर पाया गेआ।

<><><><><><>

LG-Jammu University

लेफ्टिनेंट गवर्नर मनोज सिन्हा होरें Natinoal Assessment and Accreditation काउंसिल यानि NAAC थमां 7 नुक्तें आहले पैमाने पर 3 अशारिया 7-2 दे CGPA कन्नै बड़ी मती प्रतिष्ठा आहला A++ ग्रेड हासल करने पर जम्मू यूनिवर्सिटी गी मुबारकबाद दिती ऐ। सोशल मीडिया दी इक पोस्ट च एल.जी होरें आखेआ ऐ जे इस उपलब्धि नै जम्मू-कश्मीर दा मान बढ़ाया ऐ। उनें आखेआ जे जम्मू यूनिवर्सिटी दा सुधारें थवां प्रेरित भविष्य दा नजरिया, शैक्षिक उत्कृष्टता, शोध, नमीं समर्थ ते विद्यार्थिण् दे चबक्खे विभाग दी बचबनद्धता दी तस्दीक करदा ऐ। श्री सिन्हा होरें इस उपलब्धि लेई वाइस चांसलर, शैक्षणिक अमले, विद्धानें ते विद्यार्थिणें गी मुबारकबाद दिती ऐ। तोआई, वाइस चांसलर उमेश राय हारें जम्मू यूनिवर्सिटी दी इस उपलब्धि गी शैक्षणिक उत्कृष्टता ते वैश्विक पंछान दी दिशा च इक महत्वपूर्ण गें करार दिता ऐ। इस बारै मीडिया कन्नै गल्ल करदे होई प्रोफेसर उमेश राय होरें आखेआ।

<><><><><><>

Radio-Workshop

जम्मू यूनिवर्सिटी दे जर्नलीजम ते मीडिया स्टडीज विभाग पासेआ रेडियो प्रसारण बारे इक कार्यशाला दा सरिस्ता कीता गेआ। प्रोफेसर गरिमा गुप्ता ते प्रोफेसर दुष्यंत राय हुंदी अगुवाई आहली इस कार्यशाला च गल्लबात आहले 4 सत्र लोआए गे जिंदे च सिद्धार्थ अरोड़ा, जगमोहन शर्मा, आर.जे जूही ते तुषार भारद्वाज होरें बतौर माहिर अपने विचार सांझे कीते। कार्यक्रम दौरान विद्यार्थिं बबहारिक गतिविधिं च हिस्सा लैता जिंदे च समाचार वाचन ते रेडियो दे कम्मकाज गी समझना शामिल हां इस कार्यशाला दा मकसद मीडिया खेतर दे विद्यार्थिं गी रेडियो प्रसारण, रेडियो दे कम्मकाज ते इस खेतर च करियर बनाने दे मौकें बारे जानकारी बनाना हा।

<><><><><><>

Pakistan-Soldiers

पाकिस्तान च अफगानिस्तान कन्नैलगदे बन्ने दे नेड़े इक फौजी चौकी पर होए दे आतंकवादी हमले च 16 फौजी मारे गे ते 5 गंभीर तौर पर जख्मीं होई गेन। एह हमला खैबर पख्तूनख्वा सूबे दे मकीन इलाके च होआ। तकरीबन 30 आतंकवादिएं इस हमले गी अंजाम दिता ते एहदी जिम्मेदारी पाकिस्तानी तालिबान नै लैती ऐ। उआं पाकिस्तानी फौज नै इस बारे अजें बयान जारी नेई कीता ऐ।

<><><><><><>

Jiterdra-Singh

केंद्री राज्यमंत्री डॉक्टर जीतिंद्र सिंह होरें अज्ज किशतवाड़ च जिला विकास, तालमेल ते निगरान कमेटी-दिशा दी इक बैठक लाइयै जिले च केंद्र सरकार दिएं योजनाएं च हासल प्रगति दी समीक्षा कीती। स्हाड़े जिला संवाददाता कैलाश नाथ दी रिपोर्ट मूजब, बैठक च मकामी नेताएं ते अधिकारिं हिस्सा लैता ते इस मौके जिले च जारी विकास प्रोजेक्टें पर मुख् करी ध्यान केंद्रित कीता गेआ जिंदे च जिले च ब्हाई पट्टी, शिड़क राबते ते जल जीवन मुख् तौरा पर शामिल हे। डॉक्टर सिंह होरें पन बिजली परियोजनाएं च मकामी नौजवानें दे हुनर विकास दे महत्व पर जोर पाया ते आखेआ जे 100 फीसद बुजुर्ग गी आयुष्मान सेहत योजना दे दायरे हेठ आंदा जा। बैठक दरान उनें लवेंडर दी खेती दी समर्थ ते इक जिला इक उत्पाद आहली पैहलकदमी पर बी लो पाई जेदा मकसद केसर ते जीरे ज्नेई चीजें दे उत्पादन गी बढ़ावा देना ऐ। डॉक्टर सिंह होरें आखेआ।

डॉ. सिंह होरें डोडा जिले च बी जारी विकास परियोजनाएं दी समीक्षा कीती ऐ।

<><><><><><>

BCG-Doda

केंद्र सरकार दे टी.बी दे खात्में सरबंधी राष्ट्रीय कार्यक्रम तैहत जम्मू-कश्मीर च डोडा ऐसा पैहला जिला बनी गेआ ऐ जित्थे बीसीजी वैक्सीनेशन मुहिम दी शुरूआत कीती गई ऐ। डिप्टी कमिशनर डोडा हरविंद्र

सिंह होरें टी. बी दे खात्मे आस्तै चलाई गेदी मुहिम तैहत बालिगें आस्तै बीसीजी वैक्सीनेशन कार्यक्रम दी शुरुआत जीएमसी डोडा ते एहदे कन्नै जुड़े दे अस्पतालें च कीती। इस बारै होर जानकारी सांझा करदे होई डी.सी डोडा हरविंद्र सिंह होरें आखेआ।

<><><><><><>

Reasi-Farmers

पिछले कई चिरें दा खुशकी आहले मौसम दे चलदे उत्तरी भारत दे कई थाहरें च सौक्के आहले हालात बनी गेदे न जेदे कन्नै करसान ते राई-बाई आहली गतिविधियें पर माड़ा असर पौआ'रदा ऐ। इयै ज्नेह हालातें कन्नै निब्बड़ने आस्तै स्थानीय प्रशासन ते राई-बाई आहली संस्थाएं सिंचाई दे बक्ख-बक्ख तरीकें गी अपनाया ऐ तां जे फसलें दा बचाऽ कीता जाई सकै। केंद्र शासित प्रदेश दा मौसम विभाग बी स्थिति पर बरीक नजर रक्खा करदा ऐ ते करसानें गी लगातार ताजा-तरीन जानकारी मुहैया करांदा रौहंदा ऐ तां जे ओह अपनी काश्तकारी आहली गतिविधिएं गी सुचारू ढंग्गै कन्नै चलाई सकन। रियासी जिले दे स्हाड़े संवाददाता कन्नै गल्लबात करदे होई चीफ एग्रीकल्चर आफिसर, रियासी हरबंस सिंह नै इस बारै लैते गेदे किश कदमें बारै जानकारी सांझा कीती ते आखेआ।

तोआई इक्क करसान ओम प्रकाश नै अपने विचार रखदे होई आखेआ।

<><><><><><>

Women-Cricket Asia Cup

मलेशिया च 19 बरे कोला हेठली बरेसू दे महिला टी-20 एशिया कप दे फाइनल च कल भारत दा मकाबला बांग्लादेश कन्नै होग। एह मैच भातीय समें दे मताबक बड़लै 7 बजे शुरू होग। भारत नै कल सुपर फोर मकाबले च श्रीलंका गी 4 विकटें कन्नै हराइयै फाइनल च अपनी थाहर बनाई। श्रीलंका नै पैहले बल्लेबाजी करदे होई 20 ओवरें च 9 विकटें दे नुकसान पर 98 रन्ज बनाए जेदे परते च भारत नै 14 ओवर ते 5 गेंदा खेड़डिए लक्ष्य हासल करी लैता। भारत लेई आयूषी नै 4 ते परुनिका नै दऊं विकटां लैतियां।

<><><><><><>

IMD-Weather

सबबनें कोला मती ठंडु आहला 40एं दिनें दा समां जिसे चिल्ले कलां आखेआ जंदा ऐ, ओह अज्जै थमां कश्मीर घाटी च शुरू होई गेआ ऐ। चिल्ले कलां 31 जनवरी तोड़ी जारी रौहग। एहदे बाद 20एं दिनें आहला चिल्ले खुर्द ते फही चिल्ले बच्च शुरू होंगन जित्थे चिल्ले खुर्द 31 जनवरी छा लेइयै 19 फरवरी तोड़ी चलोग उत्थे चिल्ले बच्च दस्सें दिनें लेई 20 फरवरी ते 2 मार्च बश्कारें चलोग। कुल मलाइयै कश्मीर च इसलै खुश्क ठंडु दा अनुभव कीता जा करदा ऐ ते रातीं दे तापमान च लगातार गिरावट दर्ज कीती जा करदी ऐ। उत्थें के जम्मू दे मैदानी इलाकें च तापमान च फिलहाल बड़ी भारती गिरावट दर्ज नेई कीती जा रदी ऐ। उआं मौसम विभाग नै जम्ू-कश्मीर ते हिमाचल प्रदेश च अगले 85एं दिनें च सीत लैहर दा प्रकोप बढ़ने दी पेशगोई कीती ऐ।

<><><><><><>